

Broj: UP/I-05-13-1-190/25

Mostar, 22.10.2025. godine

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), člana 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24) postupajući po zahtjevu privrednog društva „Vjetroelektrane Dah planine“ d.o.o., sa sjedištem Ulica HVO broj 8, Livno u predmetu izdavanja Energetske dozvole za izgradnju energetskog objekta vjetroelektrane „Vjetroelektrana Čadilj“ od 07.05.2025. godine i dopune zahtjeva od 05.06.2025. godine, donosi:

R J E Š E N J E

1. Izdaje se ENERGETSKA DOZVOLA privrednom društvu „Vjetroelektrane Dah planine“ d.o.o., za izgradnju vjetroelektrane „VE Čadilj“, instalisane snage 138 MW (23 vjetroagregata snage 6 MW), odobrene snage priključenja 138 MW, planirane godišnje proizvodnje električne energije od 366.261,59 MWh, a koja se planira graditi na području Općine Glamoč.
2. Energetska dozvola iz tačke 1. dispozitiva ovog rješenja izdaje se na period važenja od pet godina. Važenje energetske dozvole može se produžiti za period koji ne može biti duži od perioda važenja ove dozvole, nakon čega se više ne može produžavati.
3. Planirano vrijeme izgradnje vjetroelektrane iz tačke 1. dispozitiva ovog rješenja je 2030 godina.
4. Imalac dozvole dužan je da sarađuje i postupa po zahtjevima Ministarstva za dostavljanje podataka, te da obavijesti Ministarstvo o svim nastalim promjenama u vezi sa ispunjenjem kriterija za izdavanje energetske dozvole.
5. Imalac dozvole dužan je nakon završetka izgradnje vjetroelektrane o tome obavijestiti Ministarstvo i dostaviti odobrenje za upotrebu.
6. Ovo rješenje stupa na snagu danom donošenja i objavljuje se na web stranici Ministarstva.

O b r a z l o ž e n j e

Privredno društvo „Vjetroelektrane Dah planine“ d.o.o., se zahtjevom od 07.05.2025. godine i dopunom zahtjeva od 05.06.2025. godine, podnesenim u propisanoj formi i obrascu, obratilo Federalnom ministarstvu energije, industrije i rudarstva (u daljnjem tekstu: Ministarstvo) za izdavanje Energetske dozvole za izgradnju vjetroelektrane „Vjetroelektrana Čadilj“, instalisane snage 138 MW (23 vjetroagregata snage 6 MW), odobrene snage priključenja 138 MW, planirane godišnje proizvodnje električne energije od 366.261,59 MWh, a koja se planira graditi na području općine Glamoč, u skladu sa članom 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24 - u daljem tekstu Pravilnik).

Uz predmetni zahtjev dostavljena je sljedeća dokumentacija:

- Urbanistička saglasnost, broj: UPI/03-19-2-1316/23 od 30.07.2024. godine, izdata od Federalnog ministarstva prostornog uređenja,
- Obavijest Agencije za vodno područje Jadranskog mora Mostar od 31.03.2022. godine da ne podliježu izdavanju vodnih akata,
- Uslovi za priključak VE Čadilj na prenosnu mrežu, br: 174/25 od 04.04.2025. godine izdati od Elektroprijenos Bosne i Hercegovine a.d. Banja Luka,
- Izjavu o prihvatanju uslova za priključak korisnika na prenosnu mrežu 110 kV, 220 kV i 400 kV, od 07.04.2025. godine,
- Ugovor o koncesiji, broj: 05-04-2-13-158/20 od 20.07.2022. godine, zaključen između Koncesora Vlade Hercegbosanske Županije i Koncesionara „Vjetroelektrane Dah Planine“ d.o.o.,
- Rješenje o okolinskoj dozvoli, broj: UPI 05/1-02-19-4-82/23 13.12.2023. godine, izdato od Federalnog ministarstva okoliša i turizma.

Uvidom u podneseni zahtjev Ministarstvo je utvrdilo da je zahtjev nepotpun i o tome obavjestilo ponosioca zahtjeva.

Privredno društvo „Vjetroelektrane Dah planine“ d.o.o. je dana 05.06.2025. godine dostavilo Izvod iz posjedovnog lista, broj: 94, 95 i 99, katastarske općine Dolac, izdat od Službe za stambeno komunalne poslove, obnovu i razvoj, geodetske, imovinsko pravne poslove i katastar nekretnina Općine Glamoč, Izvod iz posjedovnog lista, broj 122, katastarske općine Vidimlje, izdat od Službe za stambeno komunalne poslove, obnovu i razvoj, geodetske, imovinsko pravne poslove i katastar nekretnina Općine Glamoč, dana 04.04.2023. godine i Službena zabilješka, broj: 40-1/45-1-15-1/23 od 23.01.2023. godine izdata od Agencije za vodno područje Jadranskog mora, isti je potpunio svoj zahtjev. Shodno članu 17. Pravilnika Ministarstvo je utvrdilo da je zahtjev potpun, te pristupilo ocjeni kriterija za izdavanje energetske dozvole propisanih članom 4. Pravilnika koji se odnose na:

- vrstu i korištenje primarnih izvora energije;
- sigurnost elektroenergetskog sistema, postrojenje i prateće opreme;
- mogućnost priključenja na elektrenergetski sistem;
- lokaciju i upotrebu zemljišta;
- zaštitu okoliša i osiguranje trajne kontroje uticaja na okoliš;
- energijsku efikasnost;
- kvalifikovanost podnosioca zahtjeva;
- doprinos ispunjenju ciljeva u korištenju obnovljivih izvora energije;
- doprinos smanjenju emisija stakleničih i štetnih gasova i čestica.

Na osnovu priložene dokumentacije dostavljene uz zahtjev i dopuni zahtjeva, Ministarstvo je utvrdilo da su ispunjeni kriteriji za izdavanje energetske dozvole, te u skladu sa čl. 19. i 20. Pravilnika, Ministarstvo je utvrdilo nacrt energetske dozvole, broj: 05-13-1-26/25 od 30.06.2025. godine, obavjestilo podnosioca zahtjeva pisanim putem o utvrđenom nacrtu energetske dozvole za izgradnju vjetroelektrane „VE Čadilj“, privrednog društva „Vjetroelektrane Dah planine“ d.o.o., te objavilo Obavještenje za javnost na svojoj internet stranici.

U roku za dostavljanje komentara, naznačenom u Obavještenju za javnost, Ministarstvo je zaprimilo komentare vezane za primjedbe Zakona o koncesijama Kantona 10. S tim u vezi je ovo Ministarstvo uputilo upit Vladi Kantona 10 i Ministarstvu privrede Livno za mišljenje da li je Ugovor o koncesiji, broj: 05-04-2-13-158/20 od 20.07.2022. godine, zaključen između Koncesora Vlade Hercegbosanske Županije i Koncesionara „Vjetroelektrane Dah Planine“ d.o.o. važeći i pravno utemeljen, a imajući pri tomu u vidu i presudu Ustavnog suda Bosne i Hercegovine U-3-24. Dopisom, broj: 05-04-2-13-158/20 od 06.10.2025. godine smo obavješteni od strane Ministarstva privrede Livno da predmetni ugovor nije poništen i da se isti nalazi na web stranici Ministarstva kao važeći ugovor o koncesiji.

U skladu sa članom 22. Pravilnika, Ministarstvo je odlučilo da nije potrebno održati javnu raspravu u postupku izdavanja energetske dozvole za izgradnju vjetroelektrane „VE Čadilj“, instalisane snage 138 MW (23 vjetroagregata snage 6 MW), odobrene snage priključenja 138 MW, planirane godišnje proizvodnje električne energije od 366.261,59 MWh, a koja se planira graditi na području općine Glamoč.

Na osnovu navedenog, a u skladu sa članom 23. stav (4) Pravilnika, odlučeno je kao u dispozitivu ovog rješenja.

Podnosilac zahtjeva uplatio je federalnu upravnu taksu propisanu Zakonom o federalnim upravnim taksama i Tarifi federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17), na podnijeti zahtjev po tarifnom broju 24.a u iznosu od 10,00 KM.

Pouka o pravnom lijeku

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

MINISTAR

Vedran Lakić